



Broj: 01-342/13  
Vareš, 23.12. 2013. godine

**Z A P I S N I K**  
*s 13. sjednice Općinskog vijeća Vareš,  
održane 28.11. 2013. godine*

Zdravko Marošević – predsjedavajući Općinskog vijeća Vareš, otvorio je 13. sjednicu s početkom u 16,30 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Zdravko Barkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

**Odsutni** – Mahira Brkić, zamjenica predsjedavajućeg OV.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, ispred Službe za privredu i finansije – Senad Mahmutović, poslanik u Skupštini ZDK – Fahrudin Brkić i predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka sa 12. sjednice OV održane 29.10.2013. godine. Na 12. sjednici OV donesena su četiri (4) Zaključaka i svi su realizovani. Postavljeno je deset (10) vijećničkih pitanja. Na osam (8) vijećničkih pitanja, nadležni su dostavili pismeni odgovor, a na dva (2) vijećnička pitanja nadležni nisu dostavili odgovor.

Općinski načelnik Avdija Kovačević u okviru aktualne problematike na području općine Vareš za današnju sjednicu nije imao obraćanja.

*(Vijećnička pitanja)*

**Demo Kevrić**

- U svom obraćanju izjavio je da nije dobio odgovor na postavljeno vijećničko pitanje na 11. sjednici OV. Na 12. sjednici tražio je pismeni odgovor na postavljeno vijećničko pitanje na 11. sjednici. Odgovor nije dobio, te je izjavio da više neće postavljati vijećnička pitanja dok ne dobije pismeni odgovor.

### **Mario Mirčić**

- Nije dobio odgovor na postavljeno vijećničko pitanje na 12. sjednici OV. Ispred jednog dijela grupe građana iz ulice Franjići, zamoljen je da postavi vijećničko pitanje koje se odnosi na nastavak izgradnje puta u istoj ulici. S obzirom da je to pitanje na prošloj sjednici postavio vijećnik Elvir Rožajac i na isti dobio pismeni odgovor, zatražio je da vijećnik Elvir Rožajac, radi javnosti pročita odgovor.

### **Elvir Rožajac**

1. Šta je sa uličnom rasvjetom od „Centralne radionice“ do naselja Rajčevac? Pitanje postavljeno u ime građana naselja Rajčevac. Vijećnik je upoznao javnost sa dostavljenim odgovorom koje se odnosi na radove puta u ulici Franjići.

### **Emir Islamović**

- Zahvalio se nadležnoj Službi na dostavljenom odgovoru i zamolio da u saradnji sa JKP d.o.o. Vareš, na oglasne table postavi se obavještenje za ispravnost vode.

### **Goran Selak**

2. Traži od nadležne Službe da saniraju problem sa šahtom (nema poklopca) koji se nalazi na skretanju sa regionalnog puta prema Partizanu, odnosno ulicama Čamilov potok, Ljevarska i Perunska, jer je ugrožena bezbjednost saobraćaja. Ukoliko to nije u njihovoj nadležnosti, da obavijeste nadležne o istom?

### **Tajiba Brkić**

- Uputila je molbu direktoru JKP d.o.o. Vareš, s obzirom da je zimski period, da se lokalni putevi posipaju posipnim materijalom a ne sa soli, o čemu je dala objašnjenje.

Predsjedavajući OV stavio je na raspravu Zapisnik sa 12. sjednice OV uz konstataciju da su vijećnici dobili stenogram 9. tačke koji je sastavni dio Zapisnika sa 12. sjednice OV.

Za riječ se javio vijećnik Đemo Kevrić koji je u svom izlaganju dao komentar na stenogram, odnosno na diskusiju vođenu pod 9. tačkom 11. sjednice OV.

Predsjedavajući OV skrenuo je pažnju da se rasprava vodi o Zapisniku sa 12. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 12. sjednice OV, te nakon izjašnjavanja vijećnika konstatuje da je **Zapisnik sa 12. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 13. sjednicu OV.

Nije bilo primjedbi i predsjedavajući OV stavio je na izjašnjavanje prijedlog dnevnog reda za 13. sjednicu OV, te nakon izjašnjavanja vijećnika konstatuje da je **jednoglasno usvojen**  
**s l i j e d e ć i**

## *Dnevni red*

1. **Nacrt Budžeta/Proračuna Općine Vareš za 2014. godinu.**
2. **Nacrt Odluke o izvršenju Budžeta/Proračuna općine Vareš za 2014. godinu.**
3. **Izveštaj o izvršenju Budžeta/Proračuna Općine Vareš za period I-IX. 2013. godine.**
4. **Prijedlog Odluke o izmjeni Odluke o općinskim komunalnim taksama-Prečišćeni tekst.**
5. **Prijedlog Rješenja kojim se utvrđuje pravo korištenja građevinskog zemljišta, Društvu za ugostiteljstvo, promet i turizam „Perun“ d.o.o. Vareš.**
6. **Prijedlog Odluke o organizaciji i radu dimnjačarske djelatnosti.**
7. **Prijedlog Odluke o raspisivanju ponovnog Javnog oglasa za imenovanje člana Općinske izborne komisije Vareš.**
8. **Prijedlog Odluke o izradi Plana prikupljanja otpadom općine Vareš za period 2014-2018. godinu.**
9. **Prijedlog Dopunske Odluke o utvrđivanju povučene-obnovljene granične linije između šume i šumskog zemljišta i poljoprivrednog zemljišta, u katastarskoj općini Blaža.**
10. **Prijedlog Programa finansiranja komunalnih djelatnosti u 2014. godini.**
11. **Izveštaj o realizaciji Strategije razvoja lokalnih cesta i srednjoročnog Programa održavanja zaštite, rekonstrukcije, izgradnje i obnove javnih cesta.**
12. **Inicijativa za donošenje Odluke o kreditnom zaduženju Općine Vareš.**
13. **Tekuća pitanja.**

### **Ad. 1.**

*(Nacrt Budžeta/Proračuna Općine Vareš za 2014. godinu.)*

Komisija za privredu, finansije i budžet, na 3. sjednici održanoj 19.11.2013. godine jednoglasno je donijela slijedeći

#### **Zaključak:**

- **Komisija prihvata Nacrt Budžeta/Proračuna Općine Vareš za 2014. godinu, te ga upućuje Vijeću na razmatranje.**

Ispred predlagača pomoćnik načelnika Zihinja Krnjić dao je dodatno pojašnjenje za ovu tačku dnevnog reda i upoznao Vijeće sa postupkom izrade ovog dokumenta. Na kraju izlaganja pozvao je sve zainteresovane da upute sugestije, prijedloge i pisane amandmane na Nacrt Budžeta Općine Vareš za 2014. godinu.

Otvorena je rasprava u kojoj su svoje primjedbe, prijedloge, amandmane, sugestije i mišljenja iznijeli vijećnici:

Vijećnica Safeta Muftić ispred Kluba SBB izjavila je da će Klub prihvatiti Nacrt Budžeta o čemu je dala i objašnjenje.

Vijećnik Zdravko Barkić u svom izlaganju uputio je pitanje zašto se kod izrade Nacrta Budžeta Općine Vareš za 2014. godinu nije vodilo računa da se rashodovna strana izbalansira ravnomjerno prema planiranom prihodu, dao komentar na rashode koji se odnose na izdatke za plaće uposlenih u organu uprave, te sugerisao da se u Prijedlogu Budžeta, ako dođe do kreditnog zaduženja Općine Vareš, treba planirati i taj rashod.

Vijećnik Mario Mirčić predložio je da se finansiranje Hrvatskog radija Bobovac poveća za iznos od 6.000 KM, (planirano 12.000), odnosno da se sa analitičkog konta 613 919 prebaci 6.000 KM na analitički konto 614 311.

Vijećnik Asmir Čizmo predložio je da se sa stavke „grantovi neprofitnim organizacijama“ prebaci 80.000 KM na stavku „poticaj poljoprivredne proizvodnje“, tako da bi ona iznosila 100.000 KM. O predloženom dao je obrazloženje.

Vijećnik Đemo Kevrić u svom izlaganju predložio je da konto 613 914 (usluge reprezentacije) smanji se za iznos od 6.000-8.000 KM i taj iznos preusmjeri za potrebe hitne medicinske pomoći, te da se stavka „poticaj poljoprivredne proizvodnje“ koja je planirana sa 20.000 KM, poveća barem na 40. 000 KM.

Vijećnik Nikola Šimić u svom izlaganju upoznao je prisutne da je MZ Borovica pokrenula akciju u prikupljanju sredstava (70.000-100.000 KM) za asfaltiranje preostalih 7,5 km makadamskog puta na području ove mjesne zajednice, te u vezi s tim zatražio od Načelnika i Općinskog vijeća da podrže ovu inicijativu i predložio da se iznađe mogućnost povećanja sredstava u iznosu od 70.000 KM na kontu 613 724. O predloženom dao je objašnjenje.

Vijećnik Ismet Abdulahović predložio je da u kontu 613 991 „Obilježavanje Dana općine“ uvrsti i obilježavanje državnih praznika, Dan nezavisnosti BiH i Dan državnosti BiH.

Općinski načelnik Kovačević Avdija u svom obraćanju dao je dodatno objašnjenje za ovu tačku dnevnog reda, upoznao prisutne sa planiranim izmjenama u prijedlogu budžeta koje se odnose na smanjenje rashoda po pojedinim stavkama i eventualnim planiranjem nove stavke (kreditno zaduženje). Također je upoznao Vijeće o prijedlozima i amandmanima u vezi izrade prijedloga Budžeta, koji će biti u pisanoj formi dostavljeni, te je predložio prijedlog Zaključka:

- Nacrt Budžeta Općine Vareš za 2014. godinu usvaja se kao dobra polazna osnova za izradu prijedloga Budžeta.
- Sugerirše se članovima Općinskog vijeća, Klubovima političkih stranaka i ostalim zainteresovanim organizacijama koje žele da učestvuju u izradi Budžeta, putem javne rasprave da na vrijeme i blagovremeno amandmanski djeluju kako bi se došlo do kvalitativnog poboljšanja Budžeta.
- Cjelokupna javna rasprava po osnovu Nacrta Budžeta, sproved će se u periodu od 15 dana, kako bi se na vrijeme utvrdio prijedlog Budžeta i isti dostavio Općinskom vijeću na razmatranje i usvajanje.

Predsjedavajući OV zaključio je raspravu i stavio na izjašnjavanje slijedeći

#### **Zaključak:**

- .1 - Vijeće prihvata Nacrt Budžeta/Proračuna Općine Vareš za 2014. godinu.**
  - Nacrt Budžeta/Proračuna Općine Vareš za 2014. godinu, upućuje se na javnu raspravu u trajanju od 15 dana.
  - Zadužuje se Općinski načelnik i Služba za privredu i finansije kao nosilac aktivnosti da pripreme i provedu javnu raspravu u skladu sa aktima Vijeća.

Nakon izjašnjavanja vijećnika, predsjedavajući OV konstatuje da je **jednoglasno usvojen predloženi Zaključak.**

## Ad.2.

*(Nacrt Odluke o izvršenju Budžeta/Proračuna Općine Vareš za 2014. godinu)*

Komisija za privredu, finansije i budžet na 3. sjednici, održanoj 19.11.2013. godine, jednoglasno je donijela slijedeći Zaključak:

- **Komisija prihvata Nacrt Odluke o izvršenju Budžeta/Proračuna Općine Vareš za 2014. godinu, te ga upućuje Vijeću na razmatranje.**

Komisija za statutarna pitanja i propise na 10. sjednici održanoj 19.11.2013. godine jednoglasno je donijela slijedeći Zaključak:

- **Komisija za statutarna pitanja i propise prihvata prijedlog izmjena predloženih od strane predlagača tako da se u preambuli Nacrta Odluke o izvršenju Budžeta/proračuna Općine Vareš za 2014. godine, riječi „člana 25. do 37.“ zamijene sa riječima „člana 5. stav 2. i člana 38.“, ostali tekst ostaje isti i da član 41. glasi „Ova Odluka stupa na snagu osmog dana od dana objavljivanja na oglasnoj tabli Općine Vareš, a primjenjivat će se tokom 2014. godine.“, te je upućuje Općinskom vijeću na razmatranje.**

Otvorena je rasprava u kojoj su svoje prijedloge, primjedbe, sugestije i mišljenja iznijeli:

Vijećnica Safeta Muftić predložila je:

- u članu 1. Nacrta Odluke, stav 2. mijenja i glasi „Na sva pitanja koja nisu regulisana ovom Odlukom, a tiču se izvršavanja računovodstva i revizije budžeta, primjenjivat će se odredbe važećih zakona.“
- u članu 5. u stavu 2. iza riječi „fiskalne godine“, da se dodaju riječi „ a postaju sastavni dio budžeta“, ostali tekst ostaje isti.
- u članu 15. da se doda novi stav 5. koji glasi „Pod hitnim rashodima i izdacima podrazumijevaju se rashodi i izdaci nastali uslijed okolnosti na koje korisnici sredstava nisu mogli uticati niti su ih mogli uticati niti su ih mogli predvidjeti a od interesa su za općinu Vareš“.
- u članu 16. da se stav 1. briše i doda novi stav 1. koji glasi: „Ako se tokom godine na osnovu zakona i drugih propisa poveća djelokrug ili nadležnost budžetsko-proračunskog korisnika što zahtijeva i povećana sredstva ili se osnuje novi korisnik, sredstva za njihovu djelatnost osigurat će se iz dosadašnjih ili drugih zakonom predviđenih izvora za finansiranje te djelatnosti i predlagač izmjena predložit će Općinskom vijeću i način finansiranja“
- naslov poglavlja IV. Izvještavanje budžetskih/proračunskih korisnika da se mijenja i glasi: „ IV. Finansijsko izvještavanje, nadzor i revizija“
- da se doda novi član 40. koji glasi: „Nalogodavac za izvršenje budžeta je Općinski načelnik“.
- da se doda novi član 41. koji glasi: „Pomoćnici načelnika su odgovorni za obračun, kontrolu i naplatu prihoda koji spadaju u njihovu nadležnost. Služba za privredu i finansije odgovorna je za interni nadzor trošenja sredstava budžetskih korisnika.
- da se doda novi član 42. koji glasi: „Nadzor nad finansijskim, materijalnim i računovodstvenim poslovanjem korisnika, te nad zakonitosti, efikasnosti, ekonomičnosti i transparentnosti u izvršavanju budžeta, vrši Općinski načelnik“.
- ako dođe do kreditnog zaduženja Općine da se doda novo poglavlje „V. Zaduživanje Općine“ sa članom 43. koji glasi: stav 1.-,„Finansijske obaveze preuzete u ime i za račun Općine u skladu sa zakonom i drugim propisima čine dug Općine i obaveze su Općine“, stav

2. – „O visini zaduživanja Općine, garanciji Općine, odlučuje Općinsko vijeće na prijedlog Općinskog načelnika.“, stav 3. – Odluke iz stava 2. ovog člana donose se u skladu sa iznosima i namjenama utvrđenim godišnjim budžetom i Odlukom o izvršenju budžeta Općine“.

- da se doda novi član 44. koji glasi „ Općina se može zadužiti u slijedeće svrhe: 1. za finansiranje budžetskog deficit, 2. za finansiranje kapitalnih investicija i posebnih programa odobrenih od Općinskog vijeća, 3. za refinansiranje ukupnog ili dijela neizmirenog duga Općine“.

- da se doda novo poglavlje VI. (dosadašnje poglavlje „V. Završne odredbe“ postalo bi poglavlje VII.), „VI. Kaznene odredbe“ sa članom 45. koji glasi „ Odgovorno lice budžetskog korisnika, nosilac izvršne vlasti Općine nadležan za budžet kao i drugo lice odgovorno za budžet, kaznit će se sa prekršajem koji napravi u skladu sa članom 78. Zakona o budžetima FBiH (Sl. novine....)

Ispred predlagača pomoćnik načelnika Zihinja Krnjić u svom obraćanju predložio je da vijećnica Safeta Muftić kao i svi oni koji imaju prijedloge, u pismenoj formi dostave amandmane o kojima će se razmatrati.

Vijećnik Mario Mirčić ispred Kluba Hrvatske koalicije izjavio je da će Klub podržati predloženi Nacrt.

Vijećnik Đemo Kevrić dao je komentar na prijedlog vijećnice Safete Muftić koja se odnosi na dopunu Nacrta za poglavljem kaznenih odredbi.

Predsjedavajući OV pozvao je sve vijećnike i Klubove političkih stanaka da svoje prijedloge na Nacrt Odluke, dostave u pisanoj formi predlagaču koji će se o istim očitovati.

Vijećnik Zdravko Barkić ispred Kluba SDP izjavio je da će Klub podržati Nacrt Odluke, te predložio da u članu 13. Nacrta Odluke, prioritet bude otplata svih vrsta zaduženja i kamata i izvršne sudske odluke.

Zaključena je rasprava i predsjedavajući OV predložio je slijedeći

#### **Zaključak:**

- **Vijeće prihvata Nacrt Odluke o izvršenju Budžeta/proračuna Općine Vareš za 2014. godinu.**
- **Nacrt Odluke o izvršenju Budžeta/Proračuna Općine Vareš, upućuje se na javnu raspravu u trajanju od 15 dana.**
- **Zadužuje se Općinski načelnik i Služba za privredu i finansije kao nosilac aktivnosti da pripreme i provedu javnu raspravu u skladu sa aktima Vijeća.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**

### **Ad. 3.**

*(Izvjestaj o izvršenju Budžeta/Proračuna Općine Vareš za period I-IX. 2013. godine.)*

Komisija za privredu, finansije i budžet na 3. sjednici, održanoj 19.11. 2013. godine jednoglasno je donijela slijedeći

#### **Zaključak:**

- **Komisija prihvata Izvjestaj o izvršenju Budžeta/proračuna Općine Vareš za period I-IX. 2013. godine, te ga upućuje Vijeću na razmatranje.**

Ispred predlagača Senad Mahmutović dao je dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Safeta Muftić, Zdravko Barkić, Đemo Kevrić, Tajiba Brkić, Mario Mirčić, predsjedavajući OV Zdravko Marošević i Općinski načelnik Avdija Kovačević koji je u svom obraćanju, vezano za diskusiju vijećnika, dao dodatno pojašnjenje za razloge probijanja određenih pozicija u budžetu u odnosu na planirane i izradu Rebalansa budžeta Općine Vareš.

Zaključena je rasprava i predsjedavajući OV stavio je na izjašnjavanje Izvještaj o izvršenju Budžeta/Proračuna Općine Vareš za period I-IX. 2013. godine.

Nakon izjašnjavanja Vijećnika predsjedavajući OV konstatuje da je sa **15 glasova „ZA“ i 1 „SUZDRŽANIM“ glasom usvojen**

***Izvještaj o izvršenju Budžeta/Proračuna  
Općine Vareš za period I-IX. 2013. godine.***

Predsjedavajući OV dao je pauzu u trajanju od 30 minuta.

Nastavljeno je sa radom sjednice.

**Ad. 4.**

*(Prijedlog Odluke o izmjeni Odluke o općinskim  
komunalnim taksama-Prečišćeni tekst.)*

Ispred predlagача pomoćnik načelnika Zihinja Krnjić u svom obraćanju upoznao je prisutne da je na osnovu Zaključka sa 11. sjednice OV od 29.10. 2013. godine, održan sastanak sa privrednicima općine Vareš i predstavnicima organa uprave na kome je radna grupa, nakon konsultacija o prijedlogu Odluke o komunalnim taksama-Prečišćeni tekst, donijela jedinstven stav da se u Prijedlogu Odluke o općinskim komunalnim taksama – Prečišćeni tekst dodaju novi članovi i to:

- „član 2.- Pravna osoba koja u svom sastavu posjeduje više Poslovnih jedinica čije je sjedište u općini Vareš, plaća punu taksu predviđenu ovom tarifom za sjedište firme i jednu Poslovnu jedinicu, dok je za drugu, treću i svaku narednu Poslovnu jedinicu oslobođen plaćanja ove takse.“

- „član 3. – Ako se firma ističe u II polugodištu tekuće godine, komunalna taksa se razrezuje u iznosu od 50% propisane.“

Za riječ se javio sekretar OV Leon Pavlović i predložio da se naziv Prijedloga Odluke o izmjeni Odluke o općinskim komunalnim taksama mijenja i da glasi „ Prijedlog Odluke o izmjeni i dopunama Odluke o općinskim komunalnim taksama-Prečišćeni tekst“.

Nije više bilo učesnika u raspravi i predsjedavajući OV stavio je na izjašnjavanje Prijedlog Odluke sa prihvaćenim izmjenama.

Nakon izjašnjavanja vijećnika predsjedavajući OV konstatuje da je sa **15 glasova „ZA“ i 3 „SUZDRŽANA“ glasa usvojena**

***Odluka o izmjeni i dopunama Odluke o  
općinskim komunalnim taksama-Prečišćeni tekst.***

## **Ad. 5.**

*(Prijedlog Rješenja kojim se utvrđuje pravo korištenja građevinskog zemljišta, Društvu za ugostiteljstvo, promet i turizam „Perun d.o.o. Vareš.)*

Ispred predlagača pomoćnik načelnika Ermin Musa podsjetio je Vijeće da je ova tačka bila na dnevnom redu 11. sjednice OV, i na osnovu Zaključka sa sjednice o istoj odgođeno izjašnjavanje za narednu sjednicu, te da se Vijeću pripremi pojašnjenje za iznesene nedoumice vijećnika u raspravi. Pomoćnik načelnika Ermin Musa izjavio je Vijeću, sa punom odgovornošću, da je Prijedlog Rješenja urađen u skladu sa zakonom i zakonskim propisima, te predložio da Vijeće prihvati Rješenje u onom obliku kako je Vijeću i dostavljeno.

Otvorena je rasprava u kojoj su svoje prijedloge, primjedbe i mišljenja iznijeli vijećnici: Mario Mirčić, Zdravko Barkić, Ismet Abdulahović, pomoćnik načelnika Ermin Musa koji je dao odgovore na neka pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjavanje Prijedlog Rješenja kojim se utvrđuje pravo korištenja građevinskog zemljišta, društvu za ugostiteljstvo, promet i turizam „Perun“ d.o.o. Vareš.

Nakon izjašnjavanja vijećnika predsjedavajući OV konstatuje da sa **7 glasova „ZA“, 7 glasova „PROTIV“ i 4 „SUZDRŽANA“ glasa nije usvojeno**

***Rješenje kojim se utvrđuje pravo korištenja građevinskog zemljišta, Društvu za ugostiteljstvo, promet i turizam „Perun“ d.o.o. Vareš.***

## **Ad.6.**

*(Prijedlog Odluke o organizaciji i radu dimnjačarske djelatnosti)*

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Prijedlog Odluke o organizaciji i radu dimnjačarske djelatnosti..

Nakon izjašnjavanja vijećnika predsjedavajući OV konstatuje da je **jednoglasno usvojena**

***Odluka o organizaciji i radu dimnjačarske djelatnosti.***

## **Ad. 7.**

*(Prijedlog Odluke o raspisivanju ponovnog Javnog oglasa za imenovanje člana Općinske izborne komisije Vareš.)*

Komisija za statutarna pitanja i propise na 10. sjednici održanoj 19.11.2013. godine jednoglasno je donijela slijedeći Zaključak:

- **Komisija za statutarna pitanja i propise predlaže da se u preambuli prijedloga Odluke u trećem redu iza zgrade dodaju riječi „člana 7.“ Uputstva o utvrđivanju kvalifikacija, broja i imenovanja članova izborne komisije osnovne izborne jedinice u Bosni i Hercegovini („Službeni glasnik BiH“, broj: 9/10, 37/10 i 74/11)“ a zatim da se navedu odredbe Statuta općine Vareš, te je upućuje Vijeću na razmatranje.**



Predlagač je prihvatio prijedlog Komisije.

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Prijedlog Odluke o raspisivanju ponovnog Javnog oglasa za imenovanje člana Općinske izborne komisije Vareš sa prijedlogom Komisije, koje je predlagač prihvatio.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Odluka o raspisivanju ponovnog Javnog oglasa  
za imenovanje člana Općinske izborne komisije Vareš.***

**Ad.8.**

*(Prijedlog Odluke o izradi Plana prikupljanja  
otpadom općine Vareš za period 2014-2018. godina.)*

Komisija za statutarna pitanja i propise na 10. sjednici održanoj 19.11.2013. godine jednoglasno je donijela slijedeći Zaključak:

- **Komisija za statutarna pitanja i propise nema primjedbi na predloženi Prijedlog Odluke o izradi plana prikupljanja otpadom općine Vareš za period 2014-2018. godina, te je upućuje Općinskom vijeću na usvajanje.**

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Prijedlog Odluke o izradi Plana prikupljanja otpadom općine Vareš za period 2014-2018. godina.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Odluka o izradi Plana prikupljanja otpadom  
općine Vareš za period 2014-2018. godine.***

**Ad. 9.**

*(Prijedlog Dopunske Odluke o utvrđivanju povučene-obnovljene  
granične linije između šume i šumskog zemljišta  
i poljoprivrednog zemljišta, u katastarskoj općini Blaža.)*

Komisija za statutarna pitanja i propise na 10. sjednici održanoj 19.11. 2013. godine, jednoglasno je donijela Zaključak:

- **Komisija za statutarna pitanja i propise nema primjedbi na Prijedlog Dopunske Odluke o utvrđivanju povučene-obnovljene granične linije između šume i šumskog zemljišta i poljoprivrednog zemljišta, u katastarskoj općini Blaža, te je upućuje Općinskom vijeću na usvajanje.**

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Prijedlog Dopunske Odluke o utvrđivanju povučene-obnovljene granične linije između šume i šumskog zemljišta i poljoprivrednog zemljišta, u katastarskoj općini Blaža.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Dopunska Odluka o utvrđivanju povučene-obnovljene  
granične linije između šume i šumskog zemljišta  
i poljoprivrednog zemljišta u katastarskoj općini Blaža.***

**Ad. 10.**

*(Prijedlog Programa finansiranja komunalnih djelatnosti za 2014. godinu.)*

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Elvir Rožajac, Goran Selak, Ismet Abdulahović, Zdravko Barkić, Mario Mirčić i predsjedavajući OV Zdravko Marošević.

U toku rasprave vijećnici su ukazali na slijedeće:

- da nadležni za zimsko održavanje puteva, čiste puteve u cijelosti i u ranim jutarnjim časovima kako bi građani mjesnih zajednica mogli na vrijeme odlaziti na posao,
- da ovlaštenu predlagач za jednu od narednih sjednica OV pripremi i dostavi Izvještaj o realizaciji Programa finansiranja komunalnih djelatnosti za 2013. godinu,
- da se iznađe mogućnost postavljanja brane na rijeci Stavnji, kako bi se po potrebi moglo čistiti korito rijeke,
- da se u Program finansiranja komunalnih djelatnosti uvrsti i ljetno održavanje puteva,
- da građani mjesnih zajednica uzmu učešće u održavanju lokalnih puteva u svojim mjesnim zajednicama, da se treba pristupiti izradi socijalne karte stanovništva po kojoj bi socijalni slučajevi bili oslobođeni plaćanja komunalne naknade, a da se iznađe mogućnost naplate komunalne naknade od onih koji istu ne plaćaju.,
- da se prilikom čišćenja putnog pravca Vareš-Daštansko, očisti put i do Višnjica,
- da se razmisli da za zimsko održavanje putnih pravca prema Radoševićima, D. Vijaci i Tribiji , angažuju se lokalni stanovnici, jer bi čišćenje puteva bilo bolje i efikasnije (sugestija ispred MZ Vijaka)

Zaključena je rasprava i predsjedavajući OV stavio je na izjašnjavanje Prijedlog Programa finansiranja komunalnih djelatnosti za 2014. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Program finansiranja komunalnih djelatnosti za 2014. godinu.***

## **Ad. 11.**

(Izveštaj o realizaciji Strategije razvoja lokalnih cesta i srednjoročnog Programa održavanja, zaštite, rekonstrukcije, izgradnje i obnove javnih cesta.)

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Izveštaj o realizaciji Strategije razvoja lokalnih cesta i srednjoročnog Programa održavanja, zaštite, rekonstrukcije, izgradnje i obnove javnih cesta.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Izveštaj o realizaciji Strategije razvoja lokalnih cesta i srednjoročnog Programa održavanja, zaštite, rekonstrukcije, izgradnje i obnove javnih cesta***

## **Ad.12.**

*(Inicijativa za donošenje Odluke o kreditnom zaduženju.)*

Otvorena je rasprava u kojoj su učestvovali vijećnici: Safeta Muftić, Elvir Rožajac, Zdravko Barkić, Đemo Kevrić, Boško Andrić, Mario Mirčić, Kenan Kamjenjaš, Tajiba Brkić, Šimić Nikola, Ismet Abdulahović, predsjedavajući OV Zdravko Marošević, te pomoćnik načelnik Zihnija Krnjić i Općinski načelnik Kovačević Avdija koji su dali dodatna pojašnjenja za ovu tačku dnevnog reda, te upoznali vijećnike o poduzetim aktivnostima vezanim za kreditno zaduženje, kojim bi se do 31.12.2013. godine izmirile obaveze Općine Vareš prema Poreznoj upravi Federacije BiH za poreze i doprinose na plaću i iz plaće, te na osnovu Zakona o visini stope zatezne kamate na javne prihode i zakonskih procedura, koje je Općina Vareš ispoštovala, Općini Vareš bi bile otpisale zatezne kamate.

Zaključena je rasprava i predsjedavajući OV je na osnovu vođene rasprave po ovoj tački dnevnog reda predložio slijedeći

### **Zaključak:**

- **Vijeće prihvata Inicijativu Općinskog načelnika za donošenje Odluke o kreditnom zaduženju Općine Vareš.**
- **Zadužuje se Općinski načelnik da pripremi i izradi Prijedlog Odluke i isti dostavi Općinskom vijeću na razmatranje.**

Nakon izjašnjavanja vijećnika predsjedavajući OV konstatuje da je **jednoglasno usvojen Zaključak.**

## **Ad. 13.**

*(Tekuća pitanja.)*

1. Predsjedavajući OV upoznao je Vijeće sa dopisom diskoteke „Campari“ Vareš od 12.11.2013. godine, koji se odnosi na uređenje produžetka radnog vremena ugostiteljskim objektima, a u cilju rješavanja poteškoća u radu sa kojim se susreće diskoteka „Campari“ Vareš.

Otvorena je rasprava u kojoj su učestvovali vijećnici: Zdravko Barkić, Ismet Abdulahović, Elvir Rožajac, Mario Mirčić, predsjedavajući OV Zdravko Marošević, Općinski načelnik Kovačević Avdija i pomoćnik načelnika Rusmir Berberović.

Na osnovu diskusije u raspravi, predsjedavajući OV stavio je na izjašnjanje slijedeći

#### **Zaključak:**

- **Vijeće sugeriše Općinskom načelniku da zaduži nadležne Službe organa uprave da preispitaju Odluku o radnom vremenu u određenim djelatnostima (procjene o izmjenama i dopunama iste) i da na zadovoljavajući način udovolji i diskoteci „Campari“ Vareš i svim drugim ugostiteljskim objektima.**

Nakon izjašnjanja vijećnika predsjedavajući konstatuje da je predloženi **Zaključak jednoglasno usvojen.**

2. Vijećnik Mario Mirić traži od nadležnih da se očituju o statusu gradskog stadiona, s obzirom da je stalo sa započetim radovima na istom.
3. Vijećnik Đemo Kevrić predložio je Vijeću da se razmisli o mogućnosti održavanja naredne sjednice OV u toku radnog vremena, s obzirom na aktivnosti koje slijede u povodu novogodišnjih praznika, te uputio pozitivne kritike za renoviranu salu Općinskog vijeća.

Predsjedavajući OV podsjetio je prisutne na Zaključak Općinskog vijeća koji se odnosi na termin održavanja sjednica, a da Općinski načelnik i Klubovi vijećnika, mogu usuglasiti termin održavanja sjednice.

4. Predsjedavajući OV Zdravko Marošević uputio je sve pohvale na izgledu i ambijentu renovirane općinske sale.
5. Općinski načelnik Kovačević Avdija zahvalio se svima na pozitivnim komentarima, te upoznao Vijeće da će 20.12.2013. godine biti organizovan Novogodišnji prijem u Općinskoj sali.

Sastavni dio ovog Zapisnika je audio zapis sjednice.

Sjednica je završena u 21,20 sati.

**SEKRETAR**

**Leon Pavlović**

**ZAPISNIČAR**

**Azra Ibrahimović**

**PREDSJEDAVALAČI**

**Zdravko Marošević**